

Naalakkersuisut siulittaasuat

Landsstyreformanden



Inatsisartunut ilaasortaq Palle Christiansen (Demokraatit)
c/o Inatsisartut Allattoqarfiat
Maani

Akissuteqaat, § 36, imm. 1 naapertorlugu apeqquteqaammut nr. 2009-27-mut

25. marts 2009
Sags nr. 2009-016612

Inatsisartunut ilaasortaq Palle Christiansen (Demokraatit) Inatsisartut suleriaasianni § 36, imm. 1 naapertorlugu allakkatigut 13. marts 2009 Naalakkersuisunut apeqquteqaateqarpoq Aasaanerani nalunaaquttap aalajangersarneqartarnera pillugu Namminersornerullutik Oqartussat nalunaarutaat nr. 19, 5. oktober 2006-imeersoq pillugu. Apeqquteqaat tunngavilersuutaasullu akissuteqaammut ilanngunneqarput.

Dok. nr. 158512
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Inatsisartunut ilaasortap Palle Christiansen-p apeqquteqaataa imaappoq:
Naalakkersuisut isumaqannginnerlutik – tassa Demokraatit isumaqatigalugit – nalunaarutip atuuttup qulaani siunnersuutigineqartutut allannguiffigineqarnissaa isumassarsiatsialaasoq imaluunniit Naalakkersuisut nalunaarutip atuuttup naleqqupaallaanngitsumik ilusilikkap pitsaanagerusunngortinnissaa siunertaralugu allanik siunnersuuteqassamaarnerlutik?

Aasaanerani nalunaaqutaq pillugu nalunaarutip § 1-imi aalajangersarpaa aasaanera piffissami martsimi sapaatip akunnerani kingullermiit oktoberimi sapaatip akunneranut kingullermut sivissuseqartoq. §§ -ini 2 aamma 3-mi aalajangersarneqarpoq sapaatip akunnerata naanerani qanoq ilineratigut aasaanera Kalaallit Nunaata kitaani aamma Illoqqortoormiini aallartittarlunilu naasarnersoq.

Apeqquteqaamminut tunngavilersuutitut Inatsisartuni ilaasortap Palle Christiansen-ip ilisimatitsissutigaa nalunaarutip §§-iini 2 aamma 3-mi aasaanerata qaqugukkut aallartittarlunilu naasarnera nalunaarneqarsimasoq, tassaasoq arfininngorneq kingulleq martsimi illuanilu arfininngorneq kingulleq oktoberimi. Tamatumalu kingorna uparuarneqarpoq arfininngornerup kingulliup qaammatip naaneraniittut aallatiffittut aasaaneranilu nalunaaquttamik atorunnaarsitsivittut atorineqartarnera pissusissamisunngitsoq, tassami arfininngorneq kingulleq tamatigut sapaat kingulleq sioqqullugu inissisimaneq ajormat.

Naalakkersuisut uppernassassavaat Inatsisartunut ilaasortap Palle Christiansen-ip paasisimasai eqqortuummata, Naalakkersuisullu isumaqatigaat nalunaarutip nalornissutaasinnaasumik paasineqarsinnaanera pissusissamisunngimmat.

Nalunaarummili aalajangersagaq Inatsisartunut ilaasortap Palle Christiansen-ip allaaserisaatut maannamut iluanngitsumik kinguneqarsimangilaq. Taamaasilluni Danmark, Europa-milu nunat killiit Kalaallit Nunaanniit ullunik arfinilinnik sioqqutillutik aasaaneranut ikaarsaarnikuunngisaannarput, imaluunniit nunat taakkua aasaanerani piffissamik atorunnaarsitsisimangisaannarput Kalaallit Nunaanniit sapaatip akunneranik ataatsimik siusinnerusumik. Piffissami Kalaallit Nunaata aasaanerani nalunaaquttamik allannguisarnerani allaaserineqartutut pissutsinik aqqusaanerinnittoqarsimanginneranut marluinnik tunngaveqarunarpoq.

Siullermik; nalunaarummi § 1-imi eqqortumik nalunaarneqarpoq piffissaq martsimi sapaatip akunnerata naanera kingullermiit oktoberimi sapaatip akunnerata naaneranut kingullermut pineqartoq, taannalu tassaasoq aasaanerani piffissaliussatut paasineqartussa. Taamaasillunilu "arfininngornermi kingullermi" martsimi aamma oktoberimi nalinginnaasumik annerusumik eqqarsaatiginagu paasineqartarsimagunarpoq "arfininngorneq kingulleq sapaatip akunnerani ilivitsumi kingullermiit", martsimi aamma oktoberimi.

Aappassaanik; Naalackersuisut Tusagassiiviata siuliani aasaanerata piffissami sumiinneranik paasinninnermut eqqartorneqartumut naapertuuttumik tusagassiorfinnut nalunaaruteqartarnermini aasaanerata aallartittarnera aammalu aasaanerata naasarnera martsimi oktoberimilu sapaatip akunnerisa naaneranut pisussatut nalunaarutigisarpaa.

Paatsuungasoqaqqunagu erseqqissarneqassaaq aasaanerani nalunaaqutaq Kalaallit Nunaanni atorineqartoq piffissaliussat eqqarsaatigalugit naalagaaffeqatigiinnermi nunarsuarmioqataasunulluunniit ajornartorsiutinik naammattuuiffiusimangimmat, soorlu assersuutigalugu piffissarititaasut Naalagaaffiup timmisartornermut qullersaqarfianut atatillugu aalajangersarneqartarnerat eqqarsaatigalugu.

Inatsisartunut ilaasortap Palle Christiansen-ip apeqqummut tunngavilersuummini ilannguppaa:

Demokraatiniit isumaqarpugut nalunaarutip pineqartup allanngortinneqarnissaanut atatillugu pilersaaruteqarnitsinni periarfissaq iluatsillugu qallunaat nalunaaqutaata aasaanerani nikisinneqartarneranut immitsinnut pituttoqqajunnaarluta nunarsuarmioqataasitsinni nunani tamani pissutsinut ilannguttariaqartugut.

Soorlu assersuutigalugu Nam. Oqartussat nalunaarutaat imatut allannguiffiqineqarsinnaavoq:

§ 2. Aasaanerani nalunaaqutaq Kalaallit Nunaanni nalunaaquttap nalinginnaasup qassinngornera tunngavigalugu marts-imi sapaammik kingullermi nal. 01.00 GMT, tassa Kalaallit Nunatsinni nalunaaqutaq 23.00-nngortillugu.

§ 3. Aasaanerani nalunaaqutaq atorunnaarsinneqartassaaq Kalaallit Nunaanni nalunaaquttap nalinginnaasup qassinngornera tunngavigalugu oktoberimi sapaammi kingullermi nal. 01.00 GMT, tassa Kalaallit Nunatsinni nalunaaqutaq 22.00-nngortillugu.

Naalackersuisut Inatsisartunut ilaasortaq Palle Christiansen isumaqatigaat oqarmat kalaallit aasaanerani nalunaaquttamik atuinerminni nunarsuarmi tamarmi periutsinut atorneqartunut naapertuuttumik aqqissuussisariaqartut. Tassalu pissutsit ullumikkut taamatut aqqissuussaapput, kalaallit aasaanerani nalunaaquttamik piffissaliisarnerat Danmark-imi Europa-llu kitaani piffissaliisarnermut naapertuummat.

Nalunaarusiassamut oqaasertassatut siunnersuutaasumut tunngatillugu oqaatigineqassaaq, oqaasertassatut siunnersuutaasup atorneqarsinnaassusianut tunngaviusussaammat atuartup paasilluarsimassagaa GMT, Greenwich Mean Time-imit naalisaataasup suunera, kiisalu paasinnissimanerup kingunerisaanik eqqikarneqarsinnaasooq arfininngorneq pineqartoq sapaataanngitsooq, nalunaaquttap allanngortinnissaanut piffissaq eqqarsaatigalugu.

GMT tassaavoq Greenwich Mean Time-p naalisarneqarnera. Tuluit Nunaanni Greenwich tassaavoq nalunaaquttap piffissanut 24-nut agguarneqarnerata aallartiffia norluusooq, 15 grade-inik akuttoqatigiiaartumik nunarsuarput kaajallallugu inissitaq. Immikkoortut tamarmik nalunaaquttap akunneranik ataatsimik sivisussuseqarput, tamannalu Kalaallit Nunaannut atatillugu isumaqarluni Kalaallit Nunaanni piffissaq nalinginnaasooq tassaasooq GMT nal. ak. pingasunik ilanngarlugu. Nunarsuaq tamakkerlugu isumaqatigiissutini maleruagassianilu aammalu nunat namminneq maleruagassiorneranni GMT annikinnerujartortumik atorneqarpoq. Taassuma atorneqarnera UTC-mik taagorneqartumik atuinermik taarseriartuaarneqarpoq, UTC-lu tassaavoq Universal Time Coordinated-imit naalisaaneq. UTC GMT-mut assinguvoq, kisiannili UTC eqqornerulluni, atomi iluaqutigalugu nalunaaquttat nunarsuaq tamakkerlugu inissinneqarsimasut tassani atorneqarmata.

Nunat Europa-p kitaani inissisimasut arlalissuit, tassunga ilaalluni Danmark, aasaanerani nalunaaquttamut tunngatillugu nunarsuaq tamakkerlugu aqqissuussinermut ilaapput, 2002-miilli aasaanerani nalunaaqutaq unnuami nalunaaqutaq 01.00-imiit aallartittartutut aalajangersaasooqarpoq, UTC-mik taaneqartumik, martsimi sapaammi siullermi unnuami nal. 01.00 aallartittartutut aammalu oktoberimi sapaat kingulleq atorunnaartartutut aqqissuussamik. Kalaallit Nunaata aasaanerani piffissaliussamik siuliani taaneqartutut aqqissuussisimanera, aqqissuussinermut pioreersumut peqataaniarnermik tunngaveqarpoq. Naalackersuisut siunertaraat siunissami nalunaarummik allannguissami aqqissuussineq eqqartorneqareersoq oqaatsillu atorneqareersut tunngavigalugit aqqissuussinissaq, tassungalu ilaatinneqassalluni qaqugukkut Kalaallit Nunaanni piffissap aasaanerani nalunaaquttamut inissinneqartarnissaa, qaqugukkullu aasaanerani nalunaaquttap atorunnaartarnissaa ersarissumik nalunaarsorneqarsimasooq.

Inatsisartunut ilaasortap Palle Christiansen-p nalunaarutip allanngortinneqarnissaanut tunngasumik apeqquteqaamminut tunngavilersuutitut oqaatigaa, IT-mik ingerlatsinermut suliffiutillit nalunaarasuartaaserinerullu aasaaneranut ikaarsaartarnermi aasaaneraniillu uteqqittarnermi sipaaruteqarsinnaanerat. Naatsorsuutigineqarsinnaagunangilaq nalunaarummik allannguinerup qarasaasianik atuinermik ingerlatsisut tamakkunangalu tuniniaasartut ataatsimoorlutik piffissaliussanut pineqartunut malinnaatitsisussaannerminniit pisussaaffeeruttinneqarsinnaanerat. Taamaakkaluartoq Naalackersuisut nalunaarutip allanngortinneqarnissaanut atasumik suliaq susassaqartunut tusarniaassutigissamaarpaa.

Naalackersuisut 2009-p ukiaa nallertinnagu aasaanerani piffissaq pillugu nalunaarummik suliaqarniarput. Nalunaarummi aalajangersakkamik ilanngussisoqarniarpoq Naalackersuisut ingerlaavartumik ukiut tallimat siumut aasaanerani nalunaaquttap aallartittarnera atorunnaartarneralu nalunaarutigereertassagaat, qarasaasiani nittartakkakut takuneqarsinnaasumik.

Inussiarnersumik inuulluaqqusillunga

Hans Enoksen